



# UNIVERSITETET I BERGEN

*Fakultet for kunst, musikk og design*

## INSTITUTTRÅD VED GRIEGAKADEMIET- Institutt for musikk

**Sak nr.: 4/25**

**ePhorte saksnummer: 25/1835**

**Sakstype:** Vedtakssak

**Møte:** 20.03.2025

---

### Studieplanendring MVK og INMUT – LES100

---

#### Vedlegg

**Orientering om endring i emnetilbud ved Det humanistiske fakultet.pdf**

**Emnebeskrivelse LES100.pdf**

#### *Bakgrunn*

Bachelorprogram i Musikkvitenskap (MVK) og Femårig integrert masterprogram i musikkterapi (INMUT) har begge EXFAC00AS som eitt av tre obligatoriske førstesemesteremne. Det Humanistiske fakultet (HF), som eig og administrerer EXFAC00AS har du vedteke å legge ned emnet og erstatte det med eit nytt emne – LES100 Les og skriv.

KMD vart informert om dette i brev frå HF, datert 10.03.2025 (2022/8830-11):

#### **Endring**

*Emnet EXFAC00AS – Akademisk skriving blir lagt ned, og erstatta av eit nytt fellesemne i første semester. Det nye emnet er under utvikling, og har fått emnekode og tittel LES100 – Les og skriv. Dette får konsekvensar for to av KMD sine studieprogram, som begge har EXFAC00AS som del av førstesemestertilbodet:*

*Bachelorprogram i musikkvitenskap (BAHF-MVK)*

*Integrert masterprogram i musikkterapi (MAHF-INMUT)*

*HF ønskjer å tilby emnet LES100 til studentar på BAHF-MVK og MAHF-INMUT som ei erstatning for Akademisk skriving.*

#### **Bakgrunn for endringa**

*HF har hatt fleire prosjekt gåande dei siste åra der føremålet har vore å sjå på studieporteføljen til fakultetet. I september 2024 blei det lagt fram ein sluttrapport og ei rekke tiltak for fakultetsstyret ved Det humanistiske fakultet, som slutta seg til tilrådingane*

og tiltaka i rapporten. Prosjektet har ei nettside, der sluttrapport og tiltaksplan er tilgjengeleg for alle: <https://www.uib.no/hf/165077/studieporteføljen-ved-hf>

Eitt av tiltaka som vi iverksett er å etablere eit nytt felles obligatorisk innføringsemne i første semester på 10 studiepoeng, og det er dette tiltaket som får konsekvens for KMD.

#### *Til saka*

Det er eit ønske frå HF å implementere LES100 allereie frå hausten 2025. For studentane på MVK og INMUT vil det ikkje ha særleg betydning då det i følge emnebeskrivelsa til LES100 er 100% fagleg overlapp mellom dagens EXFAC00AS og LES100.

LES100 er ei vidareutvikling og modernisering som «[...] tydeleg relaterer seg til tema knytt til digitale ferdigheiter og/eller kunstig intelligens. På same tid skal det nye emnet oppretthalde den viktige funksjonen dagens Akademisk skrivning har knytt til lesing og skrivning som ein grunnleggjande ferdigheit. Det nye emnet, LES100, vil vere delt inn i tre hovudtema:

1. Fagleg lesing
2. Akademisk skrivning
3. Lesing, skrivning og kunstig intelligens

Emnet har som mål å gje studentar innføring i sentrale akademiske aktivitetar innan humaniora. Gjennom emnet skal studentar øve opp lese- og skriveferdigheiter i lys av ny teknologi, særleg kunstig intelligens.» (2022/8830-11)

Ei implementering av LES100 krev godkjenning i programstyret og instituttrådet for Griegakademiet. Programstyra i MVK og INMUT har godkjent endringa på e-postrunde pr. 14.03.2025.

#### *Forslag til vedtak*

Instituttrådet ved Griegakademiet godkjenner endringa i studieplan for MVK og INMUT og implementerer LES100 Les og Skriv som erstatning av det obligatoriske førstesemesteremnet EXFAC00AS Akademisk Skrivning.

#### **Forslag til vedtak**

Randi Rolvsjord  
Instituttleder

Fredrik Berntsen Due  
Hild Cecilie Lyngstad Vang  
Saksbehandlar



Fakultet for kunst, musikk og design

Dato  
10.03.2025

Referanse  
2022/8830

## Orientering om endring i emnetilbod ved Det humanistiske fakultet

Det humanistiske fakultet vil med dette orientere Fakultet for kunst, musikk og design om endringar i emnetilbod ved HF som påverkar studieprogram ved KMD.

### Endring

Emnet *EXFAC00AS – Akademisk skriving* blir lagt ned, og erstatta av eit nytt fellesemne i første semester. Det nye emnet er under utvikling, og har fått emnekode og tittel *LES100 – Les og skriv*.

Dette får konsekvensar for to av KMD sine studieprogram, som begge har EXFAC00AS som del av førstesemestertilbodet:

Bachelorprogram i musikkvitenskap (BAHF-MVK)

Integrert masterprogram i musikkterapi (MAHF-INMUT)

Vi ønskjer å tilby emnet LES100 til studentar på BAHF-MVK og MAHF-INMUT som ei erstatning for Akademisk skriving.

### Bakgrunn for endringa

HF har hatt fleire prosjekt gåande dei siste åra der føremålet har vore å sjå på studieporteføljen til fakultetet. I september 2024 blei det lagt fram ein sluttrapport og ei rekke tiltak for fakultetsstyret ved Det humanistiske fakultet, som slutta seg til tilrådingane og tiltaka i rapporten. Prosjektet har ei nettside, der sluttrapport og tiltaksplan er tilgjengeleg for alle: <https://www.uib.no/hf/165077/studieportef%C3%B8ljene-ved-hf>

Eitt av tiltaka som vi iverksett er å etablere eit nytt felles obligatorisk innføringsemne i første semester på 10 studiepoeng, og det er dette tiltaket som får konsekvens for KMD.

### Om LES100

Hausten 2024 har det vore nedsett ei arbeidsgruppe som har hatt som mandat å utvikle eit nytt emne i første semester. Arbeidsgruppa leverte frå seg rapport og utkast til emneomtale 17. februar 2025. Utkastet til emneomtalen ligg ved dette notatet, og vi vil dele endeleg versjon med KMD så snart den føreligg.

Postadresse  
Universitetet i Bergen  
Det humanistiske fakultet  
Postboks 7800  
N-5020 BERGEN

E-post:  
post@uib.no

Organisasjonsnummer  
874 789 542

Saksbehandlar  
Hanne Svanholm Misje  
Telefon: 55582298  
Mobil:  
E-post: Hanne.Misje@uib.no

Mandatet til arbeidsgruppa var å vidareutvikle dagens Akademisk skriving, på ein måte som tydeleg relaterer seg til tema knytt til digitale ferdigheiter og/eller kunstig intelligens. På same tid skal det nye emnet oppretthalde den viktige funksjonen dagens Akademisk skriving har knytt til lesing og skriving som ein grunnleggjande ferdigheit. Det nye emnet, LES100, vil vere delt inn i tre hovudtema:

1. Fagleg lesing
2. Akademisk skriving
3. Lesing, skriving og kunstig intelligens

Emnet har som mål å gje studentar innføring i sentrale akademiske aktivitetar innan humaniora. Gjennom emnet skal studentar øve opp lese- og skriveferdigheiter i lys av ny teknologi, særleg kunstig intelligens.

Emnet vil ha fullt fagleg overlapp med tidlegare Akademisk skriving, og vi trur at dette emnet kan fylle rolla Akademisk skriving har hatt i både BAHF-MVK og MAHF-INMUT.

### **Vegen vidare**

Dette er ei endring HF ønskjer å innføre frå og med haustsemesteret 2025, og LES100 vil bli undervist for første gang hausten 2025. Vi ber KMD vurdere om LES100 kan erstatte EXFAC00AS allereie hausten 2025.

Ta gjerne kontakt med Hanne Svanholm Misje ([hanne.misje@uib.no](mailto:hanne.misje@uib.no)) dersom det er spørsmål knytt til dei studieadministrative implikasjonane ei slik endring medfører. Studieadministrasjonen ved Institutt for filosofi og førstesemesterstudium vil ta kontakt som normalt for å diskutere dimensjonering av undervisningstilbodet knytt til LES100 for hausten 2025.

Med venleg helsing

Svein Ivar Angell  
visedekan for utdanning

Julie Alver Tønsaker  
studiesjef

Dokumentet er elektronisk godkjent og har derfor ingen underskrifter.

This document has been electronically validated and therefore has no handwritten signatures.

Kopi

Institutt for filosofi og førstesemesterstudier

| Kategori                  | Tekst                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  |
|---------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Emnekode                  | LES100                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |
| Namn på emnet, nynorsk    | Les og skriv                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                           |
| Namn på emnet, bokmål     | Les og skriv                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                           |
| Namn på emnet, engelsk    | Read and Write                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
| Studiepoeng, omfang       | 10                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     |
| Studienivå (studiesyklus) | Bachelor                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                               |
| Fulltid/deltid            | Fulltid                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                |
| Undervisningsspråk        | Norsk                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  |
| Undervisningssemester     | Haust og vår                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                           |
| Undervisningsstad         | Bergen                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |
| Mål og innhald            | <p>Emnet har som mål å gje studentar innføring i sentrale akademiske aktivitetar innan humaniora. Gjennom emnet skal studentar øve opp lese- og skriveferdigheiter i lys av ny teknologi, særleg kunstig intelligens.</p> <p>Emnet er delt inn i tre hovudtema:</p> <ol style="list-style-type: none"> <li><b>Fagleg lesing</b><br/>Evna til å lese og forstå akademiske tekstar må øvast opp. I emnet vil studentane lære om å lese, og lære seg arbeidsmetodar for aktiv lesing av akademiske tekstar. For å lære seg å lese slike tekstar treng studentar kunnskap om ulike typar tekst og forståing for korleis dette kan prege måten ein les på.</li> <li><b>Akademisk skriving</b><br/>Lesing er tett knytt saman med skriving, og emnet skal gi ei innføring i korleis ein skriv akademiske tekstar. Emnet skal lære studentane arbeidsmåtar ein nyttar i utarbeiding av ein fagtekst. Dette inkluderer å finne relevant litteratur, å utarbeide gode spørsmål som utgangspunkt for fagtekst, å strukturere teksten på ein formålstenleg måte og å lære å skrive refererande, analyserande og diskuterande.</li> <li><b>Lesing, skriving og kunstig intelligens</b><br/>Emnet skal sjå på lesing og skriving i lys av vår digitale tidsalder. Studentar vil få ei innføring i KI-verktøy som er relevante for akademisk arbeid. Emnet skal lære studentar om fordelane og ulempene ved bruk av KI, og gjere dei i stand til å ta gode og reflekterte val i ansvarleg bruk av KI som eit læringsverktøy, samt sjå verdien av å skrive</li> </ol> |

|                                        |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                               |
|----------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|                                        | sjølv.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                        |
| <b>Læringsutbytte</b>                  | <p>Studenten skal ved avslutta emne ha følgjande læringsutbytte:</p> <p><b>Kunnskap</b></p> <p>Studenten skal</p> <ul style="list-style-type: none"> <li>• ha kunnskap om vilkåra for konsentrert lesing</li> <li>• vere kjende med tekstar frå eige fagfelt og vite om skilnaden på fagtekstar og andre sjangrar</li> <li>• vere kjende med prinsippa for ulike skrivemåtar i den akademiske sjangeren</li> <li>• kjenne til ulike KI-verktøy og kva dei kan brukast til</li> </ul> <p><b>Ferdigheiter</b></p> <p>Studenten</p> <ul style="list-style-type: none"> <li>• kan lese fagtekstar konsentrert og utforskande</li> <li>• kan forstå og vurdere faglege tekstar frå eige fagfelt og kjenne til likskapar og skilnader mellom desse og tekster frå andre sjangrar</li> <li>• kan anvende ulike skrivemåtar, til dømes refererande, oppsummerande og drøftande skrivemåtar</li> <li>• kan nytte metodar for kjeldesøk og kritisk vurdere kjelder</li> <li>• kan bruke KI på ein formålstenleg og forsvarleg måte i studiesamanheng</li> </ul> <p><b>Generell kompetanse</b></p> <p>Studenten skal</p> <ul style="list-style-type: none"> <li>• kunne skrive klart og tydeleg</li> <li>• kunne lese fagtekstar aktivt og konsentrert</li> <li>• kunne utvikle, revidere og ferdigstille ein fagleg tekst som tilfredsstillar krava i den akademiske sjangeren</li> <li>• vere trygg i bruken av KI og kunne reflektere rundt forsvarleg og uforsvarleg bruk</li> </ul> |
| Learning Outcomes                      |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                               |
| <b>Krav til forkunnskapar</b>          | Ingen                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
| <b>Studiepoengreduksjon</b>            | Det er fullt fagleg overlapp (10 studiepoeng) med emnet EXFAC00AS – Akademisk skriving.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |
| <b>Krav til studierett</b>             | <p>Emnet er ope for studentar med studierett på Det humanistiske fakultet, og for studentar på bachelorprogrammet i musikkvitskap og integrert masterprogram i musikkterapi.</p> <p>Det er avgrensa plass på emnet, og nye bachelorstudentar ved Det humanistiske fakultet (og studieprogramma frå KMD nemnd over) blir prioriterte, deretter studentar på årsstudium ved Det humanistiske fakultet.</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |
| <b>Arbeids- og undervisningsformer</b> | Det blir brukt arbeids- og undervisningsformer som legg til rette for studentaktivitet. Undervisninga omfattar førelesingar og seminarundervisning i mindre grupper, kombinert med tekstrespons frå undervisar og medstudentar. Mykje av undervisninga er praktisk retta, og                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  |

# UTKAST TIL EMNEOMTALE

|                                            |                                                                                                                                                                                                                                                                                                                                                                          |
|--------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|                                            | studentar skal øve opp ferdigheiter i lesing og skriving i seminara.                                                                                                                                                                                                                                                                                                     |
| <b>Obligatorisk undervisningsaktivitet</b> | <p>Det er obligatorisk oppmøte på seminarundervisninga i emnet.</p> <p>Det er obligatorisk å levere inn tre korte oppgåver på rundt 500 ord kvar. Dei obligatoriske innleveringane utgjer deler av semesteroppgåva som skal leverast mot slutten av semesteret.</p> <p>Godkjente obligatoriske aktivitetar er gyldig i undervisningssemesteret, og semesteret etter.</p> |
| <b>Vurderingsformer</b>                    | <p>I emnet nyttar ein følgjande vurderingsformer:</p> <ul style="list-style-type: none"> <li>• Semesteroppgåve på 3000 ord <math>\pm</math> 10%, ikkje inkludert referanseliste.</li> </ul>                                                                                                                                                                              |
| <b>Hjelpemiddel til eksamen</b>            | Ikkje relevant.                                                                                                                                                                                                                                                                                                                                                          |
| <b>Karakterskala</b>                       | I emnet nyttar ein karakterskala A-F, der F er stryk.                                                                                                                                                                                                                                                                                                                    |
| <b>Vurderingssemester</b>                  | Haust og vår                                                                                                                                                                                                                                                                                                                                                             |
| <b>Litteraturliste</b>                     | Litteraturlista vil vere klar innan 01.07. for haustsemesteret og 01.12. for vårsemesteret.                                                                                                                                                                                                                                                                              |
| <b>Emneevaluering</b>                      | Emnet blir evaluert i tråd med UiB sitt kvalitetssikringssystem.                                                                                                                                                                                                                                                                                                         |
| <b>Programansvarleg</b>                    | Programstyret har ansvar for fagleg innhald og oppbygging av studiet og for kvaliteten på studieprogrammet og alle emna der.                                                                                                                                                                                                                                             |
| <b>Administrativt ansvarleg</b>            | Det humanistiske fakultet v/ Institutt for filosofi og førstesemesterstudium har det administrative ansvaret for emnet.                                                                                                                                                                                                                                                  |
| <b>Kontaktinformasjon</b>                  | <p>Studierettleiar kan kontaktast her:</p> <p><a href="mailto:exphil@uib.no">exphil@uib.no</a></p>                                                                                                                                                                                                                                                                       |